

**ZAVOD ZDRAVSTVENOG OSIGURANJA  
ZENIČKO-DOBOJSKOG KANTONA**

Broj: 01-100-50-424 /21  
Zenica, 16.09.2021. godine

ZAVOD ZDRAVSTVENOG OSIGURANJA  
ZENIČKO-DOBOJSKOG KANTONA  
ZENICA

Datum: 21-09-2021			
Broj:	Prilog:	Vrednost:	
01-100-50-424			

Na osnovu člana 103. Zakona o zdravstvenom osiguranju Federacije BiH ("Službene novine Federacije BiH", broj 30/97, 7/02, 70/08, 48/11 i 36/18), člana 18. Statuta Zavoda zdravstvenog osiguranja Zeničko-dobojskog kantona ("Službene novine Zeničko-dobojskog kantona broj: 11/16 i 9/19) i člana 34. Poslovnika o radu Upravnog odbora Upravni odbor Zavoda zdravstvenog osiguranja Zeničko-dobojskog kantona na 50. sjednici održanoj 16.09.2021. godine donosi:

**ODLUKU**

o sufinansiranju određenih zdravstvenih usluga  
na teret sredstava obaveznog zdravstvenog osiguranja

**I VRSTE ZDRAVSTVENIH USLUGA**

**Član 1.**

Ovom odlukom utvrđuju se vrste, indikacije, način odobravanja I sufinansiranje zdravstvenih usluga:

- Kriopohrane spermatozoida i jajnih ćelija,
- PET/CT dijagnostika,
- Citogenetska analiza-amniocenteza,
- Neinvazivni prenatalni test i
- Kariotipizacija.

**II INDIKACIJE ZA SUFINANSIRANJE ZDRAVSTVENIH USLUGA**

**Član 2.**

Za kriopohranu spermatozoida i jajnih ćelija indikacije su: svi maligni procesi koji zahtjevaju primjenu citostatske terapije, operativnih zahvata, liječenja zračenjem, a da se radi o osiguranim licima u fertilnoj dobi života.

**Član 3.**

Za PET/CT dijagnostiku osiguranih lica starijih od 18 godina indikacije su: maligna oboljenja, intrakranijalni tumori koji zahtjevaju obavljanje PET/CT dijagnostike prema nalazu onkologa odnosno neurohirurga radi postavljanja dijagnoze, zbog evaluacije stanja tumora nakon obavljenog ciklusa liječenja.

**Član 4.**

Za citogenetsku analizu-amniocentezu i neinvazivni prenatalni test indikacije su: životna dob trudnice veća od 35 godina, pozitivni ultrazvučni markeri na hromozomopatiju, prethodno rođenje djeteta ili pobačaj ploda sa hromozomopatijom, sumnje na genetske malformacije 13,18 i 21 hromozoma.

**Član 5.**

Za kariotipizaciju indikacije su u slučajevima prethodnih višestrukih pobačaja (najmanje dva) ili u slučaju prethodno dijagnosticiranog nekog genetskog oboljenja rođenog djeteta, pod uslovom da se genetsko oboljenje ne može utvrditi nekom drugom metodom.

**III NAČIN ODOBRAVANJA**

**Član 6.**

Sufinansiranje usluge kriopohrane spermatozoida i jajnih ćelija vrši Zavod plaćanjem Kantonalnoj bolnici Zenica iznosa od 500,00 KM, nakon izvršene pohrane i ispostavljene fakture nadležne službe KB

Zenica.

#### Član 7.

Za obavljenju uslugu PET/CT dijagnostike osiguranim licima starijim od 18 godina priznaje se refundacija iznosa od 1.501,00 KM za niskodoznu pretragu, 1.686,00 KM za pretragu sa kontrastom i 1.565,00 KM za FDG PET/CT bez kontrasta.

Uz zahtjev za refundaciju osigurano lice je dužno priložiti sljedeće:

- originalni račun,
- medicinsku dokumentaciju nalaz nadležnog onkologa ili neurohirurga iz kojeg se vidi da je zahtjevan pregled PET/CT-om,
- kopiju pisanog nalaza o urađenom PET/CT-u.

#### Član 8.

Za obavljene usluge citogenetska analiza-amniocenteza, neinvazivni prenatalni test i kariotipizaciju koje se ne rade u ugovornim zdravstvenim ustanovama priznaje se iznos u procentu od 50% plaćene realizovane usluge, a maksimalno 1.300,00 KM.

Osigurano lice je dužno uz zahtjev za refundaciju priložiti:

- originalni račun,
- prijedlog nadležnog ljekara za obavljanje nalaza i
- nalaz o realizovanoj usluzi.

#### Član 9.

Osigurano lice podnosi Zavodu zahtjev za refundaciju sredstava koji mora biti lično potpisan.

Računi se dostavljaju u originalu i ne mogu biti stariji od 12 mjeseci.

Medicinska dokumentacija se dostavlja u kopiji.

U postupku rješavanja zahtjeva primjenjuje se Zakon o upravnom postupku.

#### Član 10.

Za razmatranje zahtjeva za refundaciju direktor imenuje komisiju iz reda radnika Zavoda i jenog vanjskog člana.

Komisija daje prijedlog direktoru za donošenje odgovarajućeg rješenja.

Direktor ima pravo na prijedlog komisije odobriti refundaciju sredstava i u drugim opravdanim slučajevima.

### IV ZAVRŠNE ODREDBE

#### Član 11.

Ovom Odlukom stavljaju se van snage odluke Upravnog odbora broj: 01-100-3-30/19 od 18.09.2019. godine i broj: 01-100-10-82/20 od 16.01.2020. godine.

#### Član 12.

Ova Odluka stupa na snagu danom donošenja.

#### DOSTAVLJENO:

- 1 x Direktor Zavoda,
- 1 x Pomoćnik direktora,
- 2 x Služba za pravne i opće poslove (U.O.),
- 1 x Služba za sprovođ. zdravst.osig.i analit. plan. poslove,
- 1 x Služba za finansijske i računovodstvene poslove,
- 1 x a/a.



**PREDSJEDNIK  
UPRAVNOG ODBORA**

Almir Redžić, dipl. pravnik